



Kum 2013 Branch OB tur thlan a ni

Branch News

Chanmari West, 16th Dec : Ni 11.12.2012 (Thawhleh) zan khan Kum 2013 atana Branch OB tur thlanna YMA Zawlbuk-ah Pu F. Zosanga, RO, Chairman Local Council ni bawk kaihhruaiin neih a ni a, President atan Pu C. Lalzarlina thlan a niin, member 182 inthlannaah hian an kal a. PO atana ruatte pawh an kal tha hle.

Hruaitu thlanna hun hi Pi Lalbiakngheti President MHIP in Pathian hnenah hlanin, Zaithiam tak tak NI. Lalbiakzuali (V), NI C. Lalrinsangi (CH), Male Voice (V) leh Trio (K) ten hun an hmang bawk. Hei bakah hian request programme a hun hman niin Tv Nghaktea (V) chuan kalkhawmte a ti hlimhle.

Kum 2013 hruaitu atan heng mite hi thlan chhuah an ni :-

- President : Pu C. Lalzarlina
- V. President : Pu T. Ngurkhuma
- Secretary : Tv.Zairemmawia

- Asst. Secy : Pu R.L.Thanhnuna
- Treasurer : Pu R.Lalmachhuana
- Fin. Secy : Pu K.Darthantluanga

Inthlan zawh hian Secretary Pu RL Thanhnuna hnen atangin kum 2012 Branch Executive Committee kalkim mi 7 te hnenah Lawmpuina atan Rs 500 theuh Branch Executive Committee hmingin inthlanpuitu Polling Officer-te'n an hlan. Vice President atana thlan tlin Pu T. Ngurkhuma hnen atangin thuchah pawimawh tak ngaihtlak a ni bawk.

Branch Executive Member Pu.J.Lalnangliana Champhaia zin, Pu.Zonunsanga Biata a zin leh Pu.Lalthanruma Lungleia zinte damtakin an lo haw leh ta.

Ni. 19.12.2012(Nilai) zan Inkhawm banah YMA Zawlbuk-ah Advance Krismas neih tur a ni a. Programme zawhah kan vengchhungah Krismas boruak siamna pakhat atan Carol Service neih tur a ni. Hemi hunah hian YMA member zawng zawng leh nu leh pa, a duh apiang tel turin kan in sawm a ni.

Ni 22.12.2012(Inrinni) khian Branch sum, Section sum leh YMAAw sum te Audit tur a ni a, Auditor atan heng mite hi ruat an ni. Branch sum Pu Lallianzuala leh Pu C.Sangkuma. Section & YMA Aw Pu Lalchhanhima leh Pu J.Lalnangliana. Audit na hmun tur chu Auditor atana ruatte kutah dah a ni.

Ni 20.12.2012 zan atang khian Section tinah YMA te duty tan tur a ni.

LUSUN

Ni 9.12.2012(Sunday) zing khan Pi Vanlallawmi kum 75 M/o Vanlalveni 'K' Section chuan min boralsan a, lusun chhungte kan tawrhpu tak zet a ni.

Thlanannual Sub-Committee

- An member Zoramthara'n nupui tha tak a nei chu an lawmpui hle a, an hun kal zel turah duhsakna an hlan.
- Hun remchang hmasa berah chawhlui kilho tum a ni a, member-te lo in puahchah lawk tur a ni.

TUNKAR CHANGVAWN
I thinlung zawng zawngin Lalpa ring la, nangma hriatnaah inngat suh. I kawng zawng zawngah amah hre reng la, i kawng te chu a kawhmmuh zel ang che. *Thuf. 3:5-6*

Advance Krismas leh Carol Service Programme

- Ahun : Ni 19.12.2012(Nilai) dar 7:30 Pm
- Ahmun : YMA Zawlbuk
- Chairman : Pu T.Ngurkhuma, President 2012.
- Hunserh : Pu Lalthuamluaia, Executive Member 2012.
- Mitthi sunna : Pu R.Lalmachhuana, Vice.President 2012.
- Brass Band : Salvation Army, Chanmari West Corps.
- Branch Report : Paper a sem tur a ni.

Mi harsate puala tanpuina tur thilpek lak khawm tur a ni.

YMA Zawlbuk programme kan hmanah hian zaihona neih tur a ni a, Programme zawhah Carol Service tura kal chhuah nghal tur a ni. Neuva Section atanga tanin a tawpna chu YMA Park-ah a ni ang. Tin,Carol neihlai hian Krismas Thilpek chu a dawng turte hnenah hlan a ni ang.

Zaina hmun turte : 1. Pi Thangzeli Kawt (N) 2. Pu Dengthanga kawt (K) 3. Pu S.Lalmama kawt (K) 4. Pu Lalrinliana kawt (K) 5. Pu H.Lalthlamuana kawt (T) 6. CV Library kawt (T) 7. Pu P.Zakhuma kawt (T) 8. Pu R.Rokima kawt (CH) 9. Pi Mankungi inchung (V) 10. Pu Runa mual (V) 10.YMA Park.

Hla hriltu turte : 1. NI Vanlalmuanpuii,Convener 2. NI Vanlalchhuangi 3. NI Biakhlimpuii 4. NI Lalminghlui 5. NI K.Lalrinngheti 6. NI Zosangzuali.

Zai hruaitu turte : 1. Pu K.Lalthakima,Convener
2. Tv B.Lalsawmzuala,Convener 3. Pu Lalbiakzuala Sailo 4. Pu P.Lalrinsanga 5. Pu Lalmunsanga 6. Dr Lalramliana 7. Pu CT Vawra Zote 8. Tv H.Lalthazuala 9. Tv Vanalfawna 10. Tv Lawmsangzuala 11. Tv David Vanlalpeka 12. Tv Vanlalnunpuia 13. Tv K.Lallungmuana 14. Pu R.Lalbiakhluna

Zai hruai tura ruatte hian Instrument, khuang lian leh te an lo ngaihtuah nghal ang.

Phek thumna ah a zawm....

Editorial Board

Editor:	J.Lalnangliana	9862399658
Joint Editor :	Lalchhandama	9862358347
News Editor :	Thangkhuma	9862303135
	R. Lalrinnggheta	9862358337
	Jacob Lalrinsanga	9612319779
Cir.Manager :	Johny Lalthanpuia	9612359161
	EVL. Hruaitluanga	9862655426
Production Manager :	R.Lalmachhuana	9436151817

Branch Office Bearer

President	<i>T. Ngurkhuma</i>	9436190843
Vice President	<i>R. Lalmachhuana</i>	9436151817
Secretary	<i>RL. Thanhnuna</i>	9436152760
Asst. Secretary	<i>Zairemmawia</i>	9862385654
Treasurer	<i>C. Lalzarliana</i>	9436142049
Fin.Secretary	<i>K. Darthantluanga</i>	9436196071
Adviser-te :	<i>Pu Lalbiakthanga Khiangte</i>	
	<i>Pu Rothuama, Pi Zamanthangi</i>	
	<i>Pu Lalrengpuia Sailo</i>	

Article :

Editorial :

Kum 2013 hruaitu tur kan thlang chhuak leh ta reng mai le. Hruaitu te hi Pathian ruat an ni tih hre rengin kan zah thiam tur a ni. Tin, hruaitute pawh Pathian ruat an ni tih in hre reng chungin an nitin nun ah Pathian, Sawrkar, khawtlang duh loh ang chiah te an fihlim a ngai ngei baw ang. Hruaitu an nih angin hma an hruai a ngai a, an chanvo tha taka an hlen hi a ruattu Pathian duh dan pawh a ni ngei ang.

Hruaitu chak ringawt hi hruaitu tha nihna a ni lova, member te zai ngai chungka kal hi a pawimawh ve fo. Member ten mawh-phurhna lian tak kan nei baw, kan hruaitu tura kan thlanchhuah te hi an hnung kan zuia kan thlahthlam loh a ngai a, inpumkhatna tha kan neih a, kan inlungual a, thawhhona tha neih hi pawl chakna bul a ni.

Chuvangin kan za vaiin tangrual ila, hruaitute kuta engkim dah mai lovin, kan tihtur kan hma a awm tha takin hlen tum theuh ila, chu chuan hmasawna leh thawhhona tha a thlen ang a, Veng in lungrual leh veng nuam takah kan veng hi kan siam thei ngei ang.

Kan Editor kan ngai hle, a tel lo chuan kan kim lo. Chutih rual chuan Branch OB min uap rengtu kan nei erawh vannei kan inti hle.

2012 Thuvawn

I awmdan tur chu LALPA chungah ngat la; Amah chu ring la, aman a ti vek ang.

KRISMAS NANG NEN

Mangheta Ralte

Ka hriatna thazamte'n min kiansan hma zawng leh ka thawk feih feih chhung chuan '**khami kum**' Krismas ka hman dan kha ka theihngihl thei kher lo vang. '*Krismas Nang nen*' tiin, ka dam chhunga '*Krismas dik tak*' ka hman hmasak ber chu ka hmangaih ber leh min hmangaih ber rengtu bulah ka hmang a nih kha maw! Ani nena kan intawn dan chu ka sawi thui lo mai ang. Ka la hriateng chu 'Sahmulphah Thla', Pathian Ni hnunhnung bera intawng kan ni tih kha a ni.

A tawi zawngin ka sawi mai ang e. Pawtlak Thla a lo thleng a, mitin mai chuan Krismas lam hawi rilru kan pu theuh va, mahni tawka a nuam thei ang bera hmang turin kan inbuatsaih suau suau va. Urlawk Ni a lo thleng a, kum dang ang chu nise ei leh in, silh leh fen, therhlo fahran nen khan neih thinglung khawngin...chu mai pawh a ni lo, puk chawpin ka inchhek ar bawm ve leh ngei awm si a. Mahse khami kum zet kha chuan ka hmangaih ber mai khan "*I hmangaihna ka tan a taw*" an ti tlat mai pek a, ho lam taka sum leh pai khawhral zawng hmang lo turin min rawn ta a nih chu. Engkhaw sawi set set lova han "*Halellui*" pawp mai kha ka va han chak tak em!

Chumai ala ni lo, sum leh pai lama ka harsatzia min hriatthiampui takin "*Halpuah leh halmawite hi hal ve lo vang aw, a lo thlawna sum khawhralna a nia, sorkar leh khawtlang duh loh zawng a ni baw* sia" ala ti leh zel nen. Aw! ani nen hian kan intawng lo vang tih ka va han hlau tak em! Kan tan Krismas Tree a ngai ve lo, thingkung zawng zawng kha Krismas Tree tlukin a mawi a, Krismas thilpek dang engmah a phut lo. Ka thinlung ka hlan khan a lawm taw em em mai kha a nia. Ka theih ang tawka ka lo khawl ve, sum leh pai hmanga mi harsa zawkte tanpui tura Urlawk Ni tlai lama veng mawng lam pana kan kal dunte kha hriateng ava han nuam tak em!

Urlawk Zan a lo thleng, nu leh pa tam tak tan "**Zan Lungngaihthlak**" a ni leh ngei ang. Mahse kei erawh chuan Hmangaih ber nen 'Zan Thianghlim' tak mai chu a mawi leh a thianghlim chinah hmangaihna par tlanin ka hun ka hmang kha a nia. Ka hmangaih ber nen hian intawng ta lo ila chuan eng ruai va ang bik suh. YMA Duty leh Khawtlang Hruaitute relhruksan tum

reng reng khan harhfm mang loin a thim lai ka chuh leh emaw kha a ni awm si a. Ani nen chuan ngampa takin a englaiah pawh YMA Duty Bukte chu kan kal pel ngam zan si a. Thil tisuul lotu tan chuan hlauhawm mawlh hek lo.

Khami kum Krismas tuk ni chhuak han mawi danglam bikziate kha aw... Kum dang zawnga Krismas tuka chhungte ruala chawhluil kil ve ngai lo khan hlim taka Krismas Chibai inbuktawn chungin tukthuan kan chhungkuua kan kil ho kha a ni a, a ropui hlawt asin. Ka hmangaih ber ka tawn tak avanga ka nun inthlak danglamin a hrin chhuah vek kha a ni si a. Nu leh pa tam takin an fate awmna chin pawh an la hriat mang loh lai khan kei chu ka hmangaih ber nen Biak In lam kan pan leh thei tlat mai. Ka lung hi ava han awi chiang tak em. Aw! Ka hmangaih, heng zawng zawngte hi nangmah vanga tawng chauh ka ni si a, ka tan hian i va han hlu tak em! Nang nena Krismas kan hman dun theih dawn loh ai chuan hman loh pawh ka thlang zawk awm e. I tel lo chuan Krismas hian awmzia a nei mawlh lo. Nang nen chuan Krismas Ruai te kha ava han tui danglam bik tak em!

Eng vanga Ani nena Krismas hman dun kha nuam ti bik em em nge maw ka nih le? Thalai tam zawkin an duh berte bulah an hmang ve tho awm si a. Eng dang vangmah a ni lo; Krismas hi ka hmangaih ber leh min hmangaih em emtu *Lal Isua piancham* a ni tlat alawm. Hmangaih berte piancham lawmnaah tu nge hlim lo thei ang?

Ka thalaipui zawng zawngte u, ISUA nena Krismas dik tak hmang turin ka sawm a che u. "*Isu, vawiiinah hian kan thinlung bawng inah, lo piangthar leh la nang kan chatuan Lal turin*" tia Isua nena Krismas hmang theuh turin YMA AW chhiartu zawng zawngte duhsakna nen *Krismas Chibai* vek ule.

Hla sak tur hi thlan fel tawh a ni.

Refreshment atan sawhchiar leh thingpui siam tur a ni, lo buaipui turin heng mite hi ruat an ni.

Incharge Pu K.Darthantluanga, Fin.Secretary 2012.

1. Pu C.Sangpuia, Convener
2. Pu Vanlaltlana
3. Pu Thangchhuana
4. Pu Tlanglungmuana
5. Pu H.Zohmingthanga
6. Pu T.Lianchhunga
7. Pu Lalruata Hnamte
8. Pu Zodinmawia
9. Pu F.Lalnunzama
10. Pu Lalramzauha

Born fire i/c : Pu C.Lalzarliana, Treasurer 2012.

Zai kar laka thusawi turin heng mite hi ruat an ni : 5 Mins theuh

1. Pu Dengthanga kawt :
Pu K.Lalremruata
2. Pu Lalrinliana kawt :
Pu PC Pakunga
3. CV Library kawt :
Pu Sangthuama Rawihthe
4. Pi Mankungi inchung :
Pu HVL Zarzoenga
4. Duty : Section tin leader leh Secretary
5. Carol Service Leader :
Pu R.L.Thanhnuna, Secretary 2012.
6. Banna : Pu C.Lalzarliana, Treasurer 2012.

CHAWNGBAWLA

☞ Kum 2012 Section project kharna chu Ni 12/12/12 (nilai) zan inkhawm ban khan hman a ni a. House tin atangin Solo leh Beat contest-a inelna neih a ni a, band hrang hrang Apple leh Stacy Penitence ten zaiin mipui an awi bawk. YMA Chhang band ten mipui lawm an hlawh hle. hun hmasa lam ah inelna hrang hrang a titha certificate hlan an ni a, lawmman chi hrang hrang sem nghal a ni bawk. A pumpui ah Yellow house pakhatna an ni a, Blue house in dawt in Green house pathumna an ni. Hruaitute awmna Blue house chu a tawp berna an ni. A pumpui lawmman Rs 3000 man hu Pu K. sangkhuma (L) te chhungin an rawn tum a, an chungah Section chuan lawmthu a sawi.

☞ Pu Chunga Essay writing competition

1st - Vanlalawmpuia. Rs 2000

☞ Solo Competition

1st - R. Laltlanmawii Rs 1000

A tel zawng zawng te Special prize pek an ni.

☞ Beat contest

1st - Yellow House. Rs 2000

☞ Mimal lawmman (Rs 500 theuh)

Best Vocalist - Remsangliana

Best Guitelist - Jonathan Laltlanhlu

Best Basist - Darthanchama

Best Drummer - Malsawmdawngliana

Best Boy - K. Vanlalngbaka

Best Girl - C. Lalchhandami

☞ Section Project hlawhtlin nan a sum tamtak thawhtu Pu Laldingliana, Pu K, Lalsangzuala, Pu JK Zosangliana, Tv B. Lalsawmzuala, Pu Lalthakima, Pu Rosangpuia, Pu Lalramliana, Pu Lalruatsanga, Pu R. Lalbiakhluna, Pu Lalbiakzuala Sailo, Ni C. Lalthanzuali, Pu Vanlaltlana, Pu R. Lalhmingthanga, Pu Vanlalngbata Pachuau, Pu Ngurchhawna, Pu H. Lalhriata leh Tv H. Lalrinmawia te chungah Section chuan lawmthu a sawi a, tha leh zung sengtute zawng zawng leh member te chungah Section chuan lawmthu a sawi. An sawmna ngai pawimawha mipui tihlimtu te Apple, Aris, Stacy Penitance leh Tv Adama of Chamari hnenah a bikin lawmthu an sawi a, ei leh in buaipuitu leh Security duty te chungah lawmthu an sawi bawk.

☞ Krismas lo thleng tur atan Section chhung an chei mek a, kawipui ah Snowman lim lian tak mai an dah a, a bul vel mawi taka chei bawk a ni. Zan lam ah hnatlanga chei thin a ni a, hnatlang te thingpui lo lumsak thin tute chungah lawmthu an sawi a,

TAITESENA

☞ An Section chhung kawng dung chei tura hmalak mek a ni a, chhungtinin mahni in theuh chei uar deuh turin an inngen.

☞ Ni 20/12/12 atanga 3/1/2013 hian Section huamchhung ah Krismas Duty Pu Lalngaihawm furniture workshop ah neih tur a ni.

NEUVA

☞ Ni 21/12/12 (zirtawp) zan dar 7:00 hian Sport Closing Function leh Advance Christmas YMA Zawlbukah hman tur a ni a, member zawng zawng leh YMA chhang zawng zawngte kal theuh turin an inngen. Hemi zan hian Sport item hrang hranga titha te hnenah lawmman sem tum a ni.

☞ Ni 13/12/12 khan Sport Committee thut a ni a, Sport Closing Function leh Advance Programme duan a ni, Thingpui leh a hmeh tui tak min petu Pi Chhuani chungah lawmthu an sawi.

☞ Hun remchang hmasaah Committee koh tum a ni.

KHUANGCHERA

☞ An ziaktu lian, Pu Zonunsanga (Patea) Biate-a zin pawh damtakina lo haw leh ta.

☞ Kum 2013 chhung atana Branch YMA OB thlan thar zawng zawngte an lawmpuiin, tha taka Branch YMA an kaihhruai theihnan duhsakna an hlan. ☞ Branch YMA hruaitu thlan zana Section huamchhung atanga member kal zawng zawngte chungah lawmthu an sawi.

☞ Ni 19.12.2012 (Nilai) zana Branch YMA-in Carol Service a neih turah member-te a tam thei ang ber kal turin an inngen.

☞ Ni 20.12.2012 (Ninga) zing hian Pi Zohmingthangi w/o K. Lalengmawia(L) inchhungah duty post suala hnatlang neih tur a ni a. Member zawng zawngte thawkchhuak turin an insawm.

☞ An hruaitu Irene Lalhmingmawii chuan ni 13.12.2012 khan pasal a nei a, an lawmpui viau rualin an ui hle.

☞ Tun kar hun remchang Khuangchera Runah hnatlang neih tum a ni a, member-te lo inring turin an inhriattir.

VANAPA

☞ An member Vanlalchhuanga leh K. Lalmalsawmi te nupa kawp chawia an insiam chu an lawmpui hle.

☞ Pu K. Rochungnunga chuan a fanu te inneihnaa Fatu lawmmanah Rs 5000 leh Apron 8 lai section YMA te a pe a, an lawm hle.

☞ Pu Rothuama chuan section YMA tan Football thar tha tak ami a pe a, an lawm hle.

☞ Ni 17.12.2012 a Disaster training a section aiawha kal turin heng mite hi an ruat:

Pu Lalfakawma, Tv Lalnunhlima,

Pu Francis Lalrindika,

Pu R. Laltanpuia, Pu Hmingthanauva, Tv Zohmingliana, Ni Lalnunhlu leh Ni Melody Lalhriatkimi

☞ An member Pu H.Lalremtluanga'n fanu thar duhawm tak a nei chu an lawmpui hle.

☞ Ni 12.12.2012 (Nilaini) a mo lawmna ruai buatsaihna atangin Gas thuk lian pakhat chu a awmna chin hriat a ni lo va, a awmna chin hria chuan hruaitute hriattir turin an ngen.

☞ Ni 20.12.2012 (Ninga) zing dar 6:00 ah YMA Duty Buk sain Pu C. Ramparlana in chungah hnatlang neih tur a ni a. Member a tam thei ang ber thawk chhuak turin an insawm.

Central YMA

☞ 30.11.2012 : Shri Paban Singh Ghatower, DoNER Minister in Mizoram a rawn tlawh a, State Guest House-ah Central YMA OB-te'n an kawm.

☞ 6.12.2012 : Naviin Shyam Poddar, Director, Vital Links & Services Pvt. Ltd. chuan Central YMA Office a rawn tlawh a, Pu J. Lalsailova, Fin. Secretary-in a lo kawm a, Thalaite hnathawh tur chungchang an sawi dun.

☞ 6.12.2012 : Sihhmuiah Electoral Roll Revision Hearing neih a ni a, CYMA aiawhin Pu C. Lalzamlova CEC, Dr. Lalnginglova CEC leh Pu R. Lalvensanga CEC te an kal.

☞ 7.12.2012 : Saron Veng Electoral Roll Revision Hearing neih a ni a, CYMA aiawhin Pu Lalbiakzuala Vice President, Pu Vanlalruata Gen. Secretary, Pu J. Lalsailova Fin. Secretary, Pu Jeffrey L. Fanai CEC, Pu Lalhmingmawia CEC, Pu R. Vanlalawmpuia CEC leh Dr. C. Lalhlengliana CEC te an kal.

☞ 7.12.2012 : Rangvumual leh Phunchawngah Electoral Roll Revision Hearing neih a ni a, CYMA aiawhin Pu J. Lalsailova Fin. Secretary, Pu Lalthanruma Sailo CEC, Pu J.H. Vanlalhuma CEC, Pu Vanlalzuiliana CEC, Pu Jeffrey L. Fanai CEC te bakah Chaltlang Branch YMA hruaitu te an kal.

CVTIP

☞ Kum 2013 chhung a hruaitu turte Ni 14.12.2013 (Zirtawp) zan khan Pu H.Suana, RO kaih hruaina in inthlanna neih a ni a, heng mite hi thlan chhuah te an ni

- President : Pu Thanseia
- Vice Pre : Pu Nundanga
- Secretary : Pu K.Pahlira
- Asst. Secy : Ni Lalrindiki Ralte
- Treasurer : Pu Lalbiakliana
- Fin. Secy : Ni H. Vanlalhruaii
- Librarian : Pu PC Lalchhanhima
- Properties : Pu R. Lalbiakluanga

☞ Kum 2012 chhung a Lehkhabu hawh tha te:

Angela Lalrinpuui T, R. Lalsangzuala K, H. Vanramthianghlimi T

☞ Kumin chhung hian Committee kalkim mi 7 an awm.

TUI KAN PE THEI

Tui thianghlim tak mamawh tan englai pawhin kan pe thei reng e.

Dinga 'CH Section' 9402591334 (2-4)

Badminton Club

☞ Ni 14.12.2012 (Zirtawp) khan 1st MAP Hall-ah an Adviser Pu Lalbiakthanga Khiangte buatsaihni One Day Tournament neih a ni a, member 30 chuang an tel a, tlaiah chawhluh an kilho nghal. Tournament buatsaihsaktu leh ei leh in tumsaktu an Adviser chungah an lawm hle.

☞ One Day Tournament-ah hian Group 2 - Chhurbura leh Nahaia Group-ah te an inthen a. Result chu hetiang hi a ni.

Nahaia Group - Champion-Pu C. Sangkhuma leh Tv R. Lalfakzuala, Runner's Up - Pu T. Bualzika leh Pu Zothangzuala Chhangte

Chhurbura Group - Champion-Pu Lalchhandama Ralte leh Pu H. Pachhunga. Runner's Up-Pu C. Zonunsanga leh Pu Vanlalhluta. Player of the Day-Pu Lalchhandama Ralte. Entertainer of the Tournament ah Pu Lalnunthianga te an thlang.

☞ Lawmman tumsaktu Pu HVL Zarzoenga leh Pu C. Sangkhuma (Adviser) te chungah an lawm hle.

CHHUNG TIN MAMAWH

Puanthui khawl, Puan par, Puan Chhah thui thei turin ka siam thei reng e. Gas Stova tha lo, Leak, Herh sak, Sim a thi pawh ka siam thei a. Khawl hlui puan eng pawh thui thei tlawm te a lei tur pawh a awm bawk. I mamawh chuan min han phone la, ka rawn pan mai dawn che a nia.

(2-3) Save rawh le LH CHAWNGTHU. 9612322639

MAMA SHOE STORE

- Mipa pheikhawk Smart Shoe
- leh Sneaker chi hrang hrang a man
- tlawm atang a to ber thleng, Branded
- chi hrang hrang awmna Intac Shoe
- Original pawh a awm e. Veng mite
- duhsak an ni e. Ni 10.12.2012
- (Thawhtan) atang khian zana pawh
- dawr theih kan ni dawn e. Min rawn
- dawr turin kan sawm a che u.
- Millenium Centre. 3rd Floor, D-73
- Contact. Vanromawia (Mawia)
- (2-4) 9862957982

Khua alo thal leh ta. Mitinte kangmei tichhuak lo turin i fimkhur ang u.

Kangmei lo awm palh ta hlauh se, a thelh nan....

- 1) Tui bucket khat khai mai theih
- 2) Puan chhah hlai tawk
- 3) Fire Extinguisher

Nei la, hmang la, timit rawh.

Issued by Mizoram Fire & Emergency Services

SMS

SMS thawwna tur : 9862358337.

☞ YMA hruaitu ni tur hian sum leh pai aiin a taka thawktu an hlu zawk. Mi thawh atana rel ngawt leh sawi teuh ringawt thin hruaitu nih hi a tha lo. Hruaitu chu kawng engkimah member-te hmaah a kal tur a ni.

9774037620

☞ Kan YMA hruaitu han fakawmzia hi aw.. Min thlamuantu ber berte an ni fo, tlema kutza deuh awm lo pheise la chuan.....!!

8794303453

SMS kan dawnte hi Editorial Board ngaihdan a ni vek kher lo.

LS Bakery ah heng te hi order theih a ni ta. **Plum Cake, Cheese Cake, Carrot Cake, Cream Cake** leh **Decoration icing** mawitak tak bak ah Chicken Tandoori + Special Mint Salad kan ti thei bawk e. Lo kal la kan thil neih tui tak tak te hi rawn ORDER ve ang che. Vengchhung mi te kan duhsak.

LS Bakery (N-Section) (1-2) Ph - 0389 2344772

NAUPANG DRAMA WORKSHOP

Helen O'Grady International chuan a hnuai mi ang hian chooh chawlh chhungin Drama Workshop a buatsaih dawn. Mipa leh Hmeichhie naupang a duh apiang tan admission tih theih a ni ta.

A hmun : H. Rallian Building

Bethel Lungphun Bul Chaltlang, Bethel

A hun : 17.12, 2012 - 12.1.2013

Fee : Rs 1500/-

Age Group : 3yrs - 14yrs

Contact : 8974003592/9862740076

I fa tan malsawmna bul tan rawh le!! Let your child come and join the FUN!! (2-3)